



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pastorale Missionariorvm

Verjuys, Jean-Baptiste

Antverpiæ, 1682

7. An Catechumeni debeant plura explicitè credere quàm alii.

urn:nbn:de:hbz:466:1-41565

ARTICULUS VII.

An Catechumeni debeant plura explicitè credere, quàm alii.

Respondetur affirmativè, quia cùm convertantur ab erroribus fidei Catholicæ contrariis, illas veritates debent explicitè credere, quæ istis erroribus opponuntur, & hoc patet etiam ex praxi Ecclesiæ: quæ non tantum requirit ab iis qui convertuntur fidei Catholicæ professionem, sed etiam præcedentium errorum quibus adhæserant abjurationem & detestationem: uti expressè habetur in rituali Romano jussu Pauli V edito, ubi habetur: *Hæretici verò ad Catholicam Ecclesiam venientes, &c. Prius errorum suorum pravitatem agnoscant, & in fide Catholica diligenter instruantur.* Non possunt autem priorum errorum pravitatem agnoscere, nisi explicitè credant & admittant articulos qui istis erroribus opponuntur: quod opus non est in illis, qui semper in Catholica fide fuerunt.

Ac proinde cautè & prudenter Missionarii indagent, cui hæresi illi qui se pro conversione offerunt, adhæserint; & circa præcipua dogmata talis hæresis instruant, ostendendo falsitatem. Ideo etiam omnino convenit ut noscant singulos singularum hæresum errores, ut sciant

quomodo agendum sit cum illo qui revertitur à Lutheranismò, quomodo cum illo qui Calvinismò, & sic de Anabaptismo, &c. Imò & Judaismo Nihil enim magis agendum est pro firmo fundamento, quam ut falsitates suorum errorum bene inculcent, antequam vera fide confirmet.

Imò pro intelligentibus, bonum est instruire Catechumenos per singula puncta professionis fidei, & abjuratiōis sectæ contrariæ, secundum formam ab Ecclesia præscriptam quia in illa præcipua modernarum hæresum dogmata includuntur ut detestanda.

Consultum etiam est, imò quasi necessarium, ut non tantum illi qui ad fidem se volunt convertere, instruantur specialiter in his quæ Ecclesia Catholica contra contrarios errores docet; sed etiam alii, qui licet in fide instructi sint, debent armari contra pericula perversionis, ac proinde sæpius ipsis inculcari debent ea quæ sunt contra errores hæreticos hujus temporis, videlicet veritas corporis Christi in Eucharistiâ; necessitas confessionis, & potestas Sacerdotum ad absolvendum, invocatio Sanctorum, Purgatorium, usus & utilitas indulgentiarum, cultus imaginum & similia & præcipuè primatus capitæ Ecclesiæ summæ Pontificis, quem omnes hæreses hujus temporis unanimiter impugnant Et hæc necessitas major est in missione, ubi Catholici sub dominio hæretici regiminis, cum hæreticis quotidie conversantur.

ARTI.